

Fundaziun
Stiftung



Pro

Laax

Paun ord il fuorn da FURNATSCH

Ina pintga documentaziun





Il fuorn a Furnatsch ei vegnius baghegiaus l'entschatta dils onns 1800 dalla famiglia Gliott, e vegnius duvraus da quella nuninterruttamein tochen la mort da Maria Brida Gliott, *5.5.1871 – †7.5.1951 (foto).

Silsuenter ei il fuorn buca pli staus en funcziun tochen 1982.

Lu ha la fundaziun Pro Laax priu a tscheins, renovau e puspei activau quel.



Tochen 2008, igl onn ch'il Cerchel Cultural – fundaus 1977 – ei vegnius sligliaus ed integraus ella fundaziun Pro Laax, era lez responsabels per il menaschi dil fuorn. Dapi lu ha la fundaziun Pro Laax surpriu quella incumbensa.

2023 ein en special la fassada, il tgamin ed il tetg dil fuorn vegni renovai dalla fundaziun Pro Laax, che ha il medem mument era saviur stipular in contract da locaziun da plirs onns cun la famiglia Gliott.

Aschia han era las proximas generaziuns la pusseivladad da far paun el fuorn a Furnatsch.



Responsablas per la survigilanza dil fuorn:

1982-1989 Antonia Capaul-Sievi

1989-2011 Imelda Derungs-Gliott

Dapi 2011 Romana Brunold-Cadonau



Antonia Capaul-Sievi (seniester) ed Imelda Derungs-Gliott (dretg) duront il far paun a caschun dalla «Scuntrada Romontscha» che ha giu liug igl uost 1991 a Laax.

Il 25 da matg 2024 ha la Fundaziun Pro Laax envidau al di dalla porta aviarta per presentar alla populaziun il fuorn renovau:



Imelda Derungs-Gliott (seniester) e Blandina Albin-Gliott (dretg), las possessuras dil fuorn Furnatsch, cun Romana Brunold-Cadonau, responsabla per l'organisaziun dil far paun.

Recept per far paun el fuorn da FURNATSCH

1 kg frina nera ni ?

1 tschadun grond sal

20 g levon

7 dl aua tievia

ev. in tec sesam

Mischedar tut e turschar entochen che la pasta ei neidia e tacca buca pli (schar levar la pasta sur notg).

42 g levon tonschan per 5 – 6 kg frina, autruisa gusta il paun da levon!

Far paun el fuorn da FURNATSCH



Dar fiug alla lenna.

Suenter ca. 1 ura vegn la burnida rasada ora en fuorn, ed 1 ura pli tard vegn quella prida ord fuorn.

Avon ch'il paun vegn plazzaus el fuorn, vegn quel lavaus ora cun il slavun tochen che la dretga temperatura ei contonschida (test cun frina).



Ussa ei il fuorn semtgaus.

Ei vegn luvrau en in team da 2-3 persunas: Ina persuna taglia en il paun, l'otra metta il paun sin la pala da paun e la tiarza tauscha il paun en fuorn.



Suenter ca. 1 ura – cun ina temperatura d'entschatta da rodund 200°C – vegn il paun prius ord fuorn. Era cheu vegn luvrau el team: Ina persuna pren ora il paun cun la pala, l'otra pren il paun e metta quel sin la cruna.



Suenter ch'il paun ei vegnius prius ord fuorn, vegn quel puspei emplenius cun lenna e preparaus per il proxim di da far paun.

Tgi che ha interess da far paun el fuorn da lenn s'annunzia tier:

Romana Brunold, secretariat Pro Laax

Telefon 077 202 34 93

e-mail info@museumlaax.ch